

Fixa Informativa SEFOPE nian: COVID-19: Empregadór no Traballadór Timor-Leste nian iha Australia

Objetivu husi fixa informativa ida ne'e atu fornese informasaun ba empregadór no Traballadór Timor oan sira nebe mak servisu ba Programa Traballadór Sazonál iha Australia. Ninia objetivu maka atu asiste empregadór no traballadór hodi halo desizaun tanba COVID-19 halo mudansa ne'ebé lais liu ba lei sira imigrasaun no fronteira ba Timor-Leste no Australia nian

Inisialmente SEFOPE hakarak komunika ho empregadór sira ne'ebé sei sai hanesan sentru ba pontu informasaun ba kultivador ka to'os nain no traballadór sira.

Ba Traballadór sira ne'ebé hakarak viajen fila mai Timor-Leste

Buat ne'ebé ita hatene (Komesa 25 Marsu 2020)

- Fronteira iha Australia laran taka, ne'ebé signifika katak ema presiza tama iha karantina bainhira halao viagem husi sidade ida ba sidade sira seluk. Traballadór sira ne'ebé halo trázitu ba rai-liur iha aeroportu laran bele hetan izensaun ka livre husi rekerimentu ida ne'e.
- Iha restrisaun ba aviaun: agora daudaun so iha aviaun ida tan deit maka konfirmadu ba viajen husi Darwin mai Dili iha loron 28 Marsu.
- Timor-Leste sei tama iha estadu emerjensia ba durasaun loron 30 nia laran, ne'ebé signifika katak bele laiha aviaun mak semo tan hafoin 28 Marsu durante períodu emerjensia nian.
- Favór lalika rezerva tiketi ba ita-boot nia traballadór sira ne'ebé viajen ba Darwin sein komunika uluk ho Koordinadór Mobilizasaun Traballadór nian, Cathy Molnar iha tls.program.coordinator@gmail.com
- Karantina iha trázitu nian: traballadór sira presiza tuir regulamentu sira karantina nian durante trázitu iha aeroportu Darwin nian no karik toba iha ne'ebá, presiza halo tuir regulamentu sira bainhira hela iha sira nia Otél. Se traballadór sira la halo tuir, sei aplika multa to'o \$63,000 no polisia sira halo hela monitorizasaun ativu ba violasaun regulamentu sira.
- Ba sira ne'ebé trázitu via otél presiza aplika izensaun molok halo viajen ba Darwin.
- Traballadór sira bele hetan (sosa) hahan no bebidas sira iha aeroportu Darwin nian durante trázitu.
- Kustu aviaun nian: Presu ba aviaun husi Darwin ba Dili nian sae tiha ona.
- To'o iha Dili: Traballadór sira presiza tama iha karantina ba durasaun loron 14, haree detallu liu tan iha kraik ne'e.

Impaktu husi ida ne'e ba Empregadór no Traballadór sira:

- Traballadór Timor-Leste sira sei bele viajen fila ba uma bainhira sira nia kontratu remata, maibe ida ne'e sei presiza serbisu extra ba lojístiku nian.
- Governu Australia dezenvolve ona solusaun ida ne'ebé permiti traballadór sira hodi aplika ba viza foun hodi hela no serbisu iha Australia ho empregadór ne'ebé hanesan ka possibilidade bele serbisu ho empregadór seluk – haree detallu sira iha anexo 1. (Empregadór sira simu ona email ida ne'e husi DFAT)

SEFOPE husu buat sira tuir mai ne'e;

1. Empregador sira koalia ho imi nia cultivador ka to'os nain ka traballador sira kona-ba traballador Timor Leste sira nia kontratu remata

Iha preparasaun ba konversasaun ho Koordinador Mobilizasaun Traballador Timor-Leste nian - Cathy Molnar, favor hatan ba pergunta sira tuir mai ne'e:

| | |
|--|--|
| 1. Serbisu (grupu) ka traballador ida ne'ebé maka sei remata ninia kontratu iha fulan 3 oin mai? | |
| 2. Husi sira ne'e, (grupu ka individual) sira ne'ebé maka hakarak fila ba Timor-Leste? | |
| 3. Grupu ka individual ida ne'ebé maka hakarak hela iha Australia se serbisu seluk iha tan? | |
| 4. Ita-boot sira iha serbisu adisionál ne'ebé disponibel ba Timor-Leste ka traballador sira seluk? <ul style="list-style-type: none">• Pelumenus serbisu hira/traballador hira mak ita-boot presiza ba fula 3 to'o 6 tuir mai sekarak laiha traballador adisionál mak disponibel hodi mai husi rai liur? | |

2. Koordinador Mobilizasaun Traballador SEFOPE nian sei kontaktu ita-boot no fornese tempu atu halao diskusaun ho ita-boot nia traballador.

Cathy Molnar, Koordinador Mobilizasaun Traballador (Ekipa Adidu Traballu nian)

Email: tls.program.coordinator@gmail.com

Cathy sei sai hanesan SEFOPE nia pesoal xave ba kontaktu hodi apoiu traballador sira iha Australia durante tempu difisil ida ne'e.

3. Husu ita-boot sira nia traballador sira hodi informadu liu husi website SEFOPE nian no Live Chat

Cek website ida ne'e ba informasaun <http://dnee.sefope.gov.tl/> no husu pergunta ba SEFOPE liu husi funsaun Live Chat nian ka email ba enquiries.lsu.tl@gmail.com

Saida mak akontese se traballador sira decide hodi fila ba Timor-Leste?

Reglamentu kona-ba tranzitu liu husi Darwin no Aviaun Airnorth ninia disponibilidade muda lorloron, nune'e, favor email: tls.program.coordinator@gmail.com hodi hetan informasaun ikus liu nian.

- Situasaun agora nian ba traballador sira ne'ebé tranzitu iha Aeroportu Darwin nian: Traballador sira tenki mantein iha terminal durante tranzitu.
- Traballador sira presiza pratika distansiamentu sosial nian (iha distansia minu metro 1.5) no prevensaun seluk.
- Hahan no bebidas disponibel hodi bele sosa iha terminal laran, maibe karik diak liu se traballador sira bele lori hahan rasik.

Depois, ema hotu ne'ebé to'o iha Timor-Leste, inklui traballador sira husi Mobilizasaun traballador nian, tenki hela iha karantina ba durasaun loron 14 husi tempu ne'ebé ita-boot fila mai Timor-Leste

Polisia Imigrasaun nian no oficial sira husi Ministériu Saúde nian sei transporta traballadór sira ho Bis husi Aerportu ba iha facilidade karantina nian. La permiti hodi halo kontaktu ho família sira no ema seluk bainhira to'o.

Traballadór sira labele husik hela fatin karantina ba loron 14 nia laran. Ofisial sira husi Ministériu Saúde nian sei kontrola saúde ema ida-idak nian iha karantina no lisensa hodi sai bainhira remata ona loron 14 sei fornese husi governu Timor-Leste nian. Ema ne'ebé kontra karantina sei bele selu multa no hetan detensaun husi Polisia.

Traballadór sira presiza kompriende katak karantina ne'e prevensaun ida hodi hapara virus nia daet iha Timor-Leste, ida ne'e la signifika katak sira iha COVID-19

To'o karantina remata ona no hetan ona lisensa, Ministériu Saúde sei kontaktu família sira hodi mai hasoru traballadór sira.

Agora daudaun iha dezintendimentu, konfuzsaun no tauk iha comunidade sira Timor-Leste nian no potencia ba mosu ataka hasoru fatin karantina nian. Traballadór sira presiza hatene buat hirak tuir mai ne'e:

- Iha ona insidente seguransa nian iha Dili hafoin anunsu kazu COVID-19 nian
- Limitasaun facilidade ba teste no kontrola infeksaun
- Kuidadu ema neebe maka hetan moras neebe seriu sai hanesan asunto nebe mak kritiku los tamba standar kuidadu kuaze la to'o padraun ne'ebé eziste iha Australia. (<https://www.smartraveller.gov.au/destinations/asia/timor-leste>)

Anexu 1 | Atualizasaun husi DFAT ba Empregadórs no parseiru sira- 25 Marsu

Ohin ami hakarak fahe ho ita-boot medida sira ne'ebé iha ona ba traballadór sira ne'ebé nia viza atu remata los ona (eminente), labele fila ba nia rain no hakarak kontinua serbisu. Ba traballadór sira ne'e, viza kontinuasun (bridging visa) sei disponibel no sei iha to'o mudansa substansial liu tan aplika ona, espera iha semana rua nia laran. Informasaun liu tan kona-bá ida ne'e sei fornese tuir mai iha tempu badak.

Traballadór sira ne'ebé ninia viza (SWP and NAWPP) sei remata iha tempu badak tenki aplika ho asistencia/apoiu sira nia empregadór nian. Ba viza kontinuasun (Bridging Visa E (Subclass (050) online via ImmiAccount - <https://immi.homeaffairs.gov.au/visas/getting-a-visa/visa-listing/bridging-visa-e-050-051/subclass-050>).

Favor nota:

- Viza ida ne'e so bele aplika dala ida deit bainhira traballadór nia viza substantivu ida agora nian remata ona no tenki halo lalais kedas; no
- Renusia 8503 la presiza hodi aplika ba viza ida ne'e.

Traballadór sira iha pozisaun ida ne'e bele garantidu katak sira sei la hasoru konsekuensia desfavorábel husi tempu badak iha Australia sein viza. Se ita-boot iha pergunta ruma ka hakarak hato'o kazu spesífiku ruma ba departamentu nia atensaun, favór kontaktu specialist.entry@homeaffairs.gov.au.

Traballadór sira nia ben-estár

Sekarik traballadór sira moras, sira sei hetan tratamentu médiku ne'ebé hanesan liu husi seguru ba saúde nian hanesan ema Australia sira simu iha medicare nian.

Ben-estár ba traballadór sira pasífiku nian iha liña oin husi ami nia planu kontinjensia nian. Informasaun kona-bá prosesu visa nian ne'e fornese ona ba empregadór aprovalu sira no ami sei apoia sira hodi implementa medida sira ne'e bainhira presiza. Empregadór Aprovalu sira mos simu informasaun regular kona-bá konsellu ba saúde no viajen nian hodi fahe ho sira nia traballadór. Pacific Labour Facility produz hela atualizasaun regulár no mensajen vídio iha media social nian hodi apoia traballadór no empregadór sira durante tempu ida ne'e. Ami enkoraja traballadór sira hodi tuir pájina [Facebook](#) hodi hetan atualizasaun no fahe informasaun ne'ebé fó sai ona. Fontes informasaun oioin mos disponibel iha ami nia [website](#).

PLS

Iha traballadór ituan deit maka uza viza PLS nian ne'ebé ninia validade la to'o tinan 3. Ba traballdór PLS hirak ne'e, tuir mai sei bele aplika viza PLS nian ida ba terrestre nian (viajen/movimentu iha rai nian) ho total durasaun tempu máximu to'o tinan 3 hodi hela iha Australia, iha ne'ebé traballadór sira ne'e sei kontinua serbisu ba sira nia empregadór atuál. Ba empregadór sira ne'ebe la bele fó estensaun kontrátu ba traballadór sira ne'ebé ninia viza atu espira ona no tamba ne'e la bele finansía sira nia traballadór sira hodi hetan viza terrestre nian, empregador hirak ne'e simu ona pedidu atu halo kontaktu ba PLF sedu liu se posível atu halo aranjamentu hodi muda ba empregadór aprovalu seluk.

Ekipa Mobilizasaun Traballadór DFAT nian